

Prelazna Vlada Brčko Distrikta približava se kraju svog mandata

Pošto Vlada Brčko Distrikta ulazi u posljednjih 90 dana svog mandata, supervizor za Brčko, Susan R. Johnson, održala je jutros sastanak sa gradonačelnikom Brčkog i šefovima odjeljenja Vlade Brčko Distrikta kako bi sa njima dogovorila najbolji način da iskoriste preostali dio mandata u interesu svih građana Distrikta.

Rezultat konsultacija je bilo usklađivanje radnih planova, i postavljena su tri prioriteta projekta za svako odjeljenje. Supervizor Johnson je podstakla šefove odjeljenja Vlade da zajedničkim snagama nastave sa realizacijom projekata koji proizlaze iz naloga supervizora od 29. aprila.

Supervizor Johnson je istakla neke od glavnih oblasti koje predstavljaju problem kako za supervizora tako i za građane Distrikta, a koje su potvrđene velikim brojem žalbi građana koje stižu u Kancelariju supervizora i primjedbi koje supervizor dobija u svojim kontaktima sa građanima širom Distrikta. Određene radnje – one koje se odnose na proces zapošljavanja u upravi Distrikta – su posebno naglašene i moraju biti promijenjene, a ova vlada ima 90 dana da utvrdi nove standarde.

“Kada sam držala govor u Domu kulture ubrzo nakon mog dolaska, prije šest mjeseci, istakla sam da je dosta postignuto, ali da se još dosta toga mora uraditi. Na tu izjavu danas bih željela dodati – da, dosta je postignuto i znam da su mnogi javni službenici dali svoj veliki doprinos uspješnosti Distrikta – međutim, mnogo toga ostaje da se uradi a na raspolaganju nemate mnogo vremena.”

“Znam da je ovo politička godina i da su šefovi odjeljenja izloženi velikom broju pritisaka koji u običnim okolnostima ne bi ni postojali. Međutim, ovo nije opravdanje da se zaustavi ili uspori rad ili da se ovlaštenja ili resursi vlade koriste u političke svrhe”, izjavila je supervizor.